







1630.

1. Berneggerus, Mathias : De principe et usque officio
2. Caspzerius, Christianus : Turis controversi positiones  
verales
3. Causadi, Frachinus : De rebus contra <sup>verales</sup> ~~verales~~  
injuriis hodie passim usurpata
4. Denckwerth, Theodorus : De annuis redditibus  
emptione comparatis
5. Erhardus, Melchior : De querela inofficiosi  
testamenti.
6. Krolffel, Daniel : De peregrinatione studiosi  
viri. Oratio
7. Lucanus, Georgius David : De obligationum in con-  
tractu specibus IV ; videlicet emptione - vendi-  
tione, locatione - conductione, societate et mandato
8. Micali, Theodorus : De foro competenti seculari et  
ecclesiastico.

1631

1. Cluber, Frachinus : De testamentis ordinandis



1631.

2. Jegnick, Franciscus: De pignoris et hypothecis  
americae jure praedationis
3. Hüener, Adamus: De restitutione usufructuaria  
ex interdicho unde vi
4. Langenbeck, Henricus: De cautione actionum
5. Locamerus, Georgius David: De jure commerciorum
6. Locamerus, Georgius David: De famosis libellis
7. Locamerus, Georgius David: De Transactionibus

1632

1. Mitschias, Casparius: De querela non numeratae  
pecuniae
2. Camelus, Georgius: De collationibus bonorum
3. Cassenius, Terentius: De appellationibus
4. Locamerus, Georgius David: De jurjurando et his decisoriis
5. Tabor, Johann Otto: De officio judicis

1633.

1. Locamerus, Georgius David: De emptione venditione



1633

2. Locamerus, Georgius David: De pactis.
3. Locamerus, Georgius David: De prerogatione juris d'el'ius

1634

1. Locamerus, Georgius David: De matris.
2. Loebbecke, Zacharius: Selectae aliquot conclusiones ex materia renunciationis
3. Mieg, Johannes. Luc. Noricus: De lege II. C. de hered. petit.

1635

1. Bitschius, Casperus: De correctione feudis.
2. Locamerus, Georgius David: De contractibus inominatis.
3. Tabor, Joh. Otto: Procardicorum sine axiomatum juris nucleatorum. Disputatio I.
4. Tabor, Joh. Otto: De rerum divisione et adquisitio earum dominio.



1636.

1. Frederici, Paulus : De creditorum concursu, qualitate et convocacione
2. Fritsch, Johannes : De facultatibus legatorum et fidei-commissionum.
3. Lacomus, Georgius David : De acquirenda vel emittenda hereditate
4. Taber, Johannes Otto : Selectarum juris questionum ad faciliorem paratitlorum Wesenbecii intellectum directarum disputatio II
5. Taber, Johannes Otto : Selectarum juris questionum ad faciliorem paratitlorum Wesenbecii intellectum directarum Disputatio I.
6. Taber, Johannes Otto : Paratitla ad l. Fulvium magistris

his  
1637.

1. Riccius, Gregorius : De heredum institutione



1637

2. Piceus, Gregorius: Commentationis ad locum juris  
in l. perideri 3 § ex contrario 5 ff. De acquis  
et amittend. possess. pars prior.
3. Felzer, Magnus: Commentatio ad locum . . . l. 3 C.  
famil. ercise.
4. Hoffmann, Philippus Ludovicus: Cuius finium finitimus  
vel amissionem aperiat, ostenditur.
5. Locamerus, Georgius David: De legatis et fideicom  
missis
6. Mullinger, Ernestus Fidericus: De jure proceden  
tial, praecminentiae et sessionis praerogativa
7. Reibhan, Johannes: De cumulatione petitorii et  
pignorarii
8. Tuto, Johannes Vtho: Selectarum juris questionum  
ad sacrorum paratiblorum Werenbecii intellectum  
discretarum disputatio VIII.



1637.

9. Taber, Johannes Otto: Testamentariorum questionum. <sup>Seitio 1.</sup>
10. Taber, Johannes Otto: Selectarum juris questionum et  
faciliorum paratiblorum Wesenbecii intellectum directarum  
disputatio IV.
11. Taber, Johannes Otto: Selectarum juris questionum  
ad faciliorum paratiblorum Wesenbecii intellectum  
directarum disputatio V.
12. Taber, Johannes Otto: Selectarum juris questionum  
ad faciliorum paratiblorum Wesenbecii intellectum direc-  
tarum disputatio VII.
13. Taber, Johannes Otto: Selectarum juris questionum  
ad faciliorum paratiblorum Wesenbecii intellectum  
directarum disputatio III.
14. Taber, Johannes Otto: Selectarum juris questionum  
ad faciliorum paratiblorum Wesenbecii intellectum  
directarum disputatio IX et tit. I. et III de postulando



15. Taber, Thomas 1660: Lecturarum juris quaestiosum  
ad faciliorem paratissimum Rosenbüci intellectum  
directarum disputatio V



Tab. I. de iur. iur. p. 1. de iur. iur. p. 1. de iur. iur. p. 1.

Tab. II. de iur. iur. p. 2. de iur. iur. p. 2. de iur. iur. p. 2.

Tab. III. de iur. iur. p. 3. de iur. iur. p. 3. de iur. iur. p. 3.

Tab. IV. de iur. iur. p. 4. de iur. iur. p. 4. de iur. iur. p. 4.


Tab. V. de iur. iur. p. 5. de iur. iur. p. 5. de iur. iur. p. 5.

Tab. VI. de iur. iur. p. 6. de iur. iur. p. 6. de iur. iur. p. 6.

















15004.  
#7

N<sup>o</sup> 18

1639/1

DISSERTATIO HISTORICO-POLITICA  
DE

PRINCIPE  
EJUSQUE OFFICIO.

QUAM,

DEO TER OPTIMO MAXIMO

AUSPICE,

PRÆSIDE

Clarissimo Viro,

DN. MATTHIA BERNEGGERO,  
HISTORIARUM PROFESSORE ORDIN.  
& RECTORE p. t. Magnifico, Præceptore suo observando;  
in almâ Argentoratensi Universitate.

*Publicè examinandam proponit*

JOHANNES BAPTISTA SCHWOPIUS  
Brega-Silesius,

A. & R. Decemb.

In Auditorio Novo, Mense Octobr. die. 11.

§:O:O:§:O:O:§

§:O:O:§

ARGENTORATI.

Typis JOHANNIS REPP. ANNO M. DC. XXX.





ILLUSTRISSIMIS ET  
CELSISSIMIS PRINCIPIBUS  
AC DOMINIS:

DN. GEORGIO }  
DN. LUDOVICO } Fratribus Ger-  
DN. RUDOLPHO } manis.  
DN. CHRISTIANO }

*Ducibus Silesia Lignicensibus, Bregen-  
sibus &c. Dominis suis clementis-  
simis.*

*Hanc, de PRINCIPE, pub. & solen. habendam  
Disputationem, in sui, & suorum studiorū com-  
mendationem & promotionem.*


Offert, Dicat & Consecræ

humilimus.

JOANNES BAPTISTA SCHWOPIUS  
Bregensis Silesius. L.L. Stud.

A. & R.





Προσφωρο.



Uotiescung, ad reconditam DEI sapientiam ani-  
mum paulisper defigo meum, ac ejus mirandam,  
caligantibus tantum intueor oculis providentiam,  
PRINCIPES ILLUSTR. & CELSIS.

Domini mei Clementissimi; mirari satis nequeo concinnam re-  
rum omnium creaturarum ab initio ortam dispositionem, in qua  
certa cuncta sunt mensurata mensura, justo constituta numero  
& trutinata pondere: Sapient. 11. Ac ut liberius exspatiari  
valeam, ex omnibus unicam saltem creaturam omnium pre-  
stantissimam paulo altius contemplari libet, animal videli-  
cet illud, divinae Majestati quam similitimum Hominem, qui  
Sapientia divina locupletissimus; eum enim, ut Poeta canit Sul-  
mensis

Finxit in effigiem moderantum cuncta Deorum:

Pronaq; cum spectent animalia coetera terram,

Os homini sublime dedit coelumq; tueri

Jussit, & erectos ad sydera tollere vultus.

Providentiae vero caelestis abundantissimus; id quod facile ex  
varia ejusdem conditione unicuique innotescere potest. Non e-  
nim aequali genus humanum fortunam constitutum voluit, ve-  
ram hunc:

Fulgente trahit constrictum gloria curru.

alter obscuro positus loco, refidet. Huic concessit, ut

Superbus ambulet pecunia; modo:

— Mendicato pascitur ille cibo.

— Proximos illi tandem occupavit

Pallas honores.

Alterum & sensus cum re consiliumque fugit.

A 2

Alii,



*Aliis jus dedit magnum necis atq; vita, ac donavit diadema fronti. Hunc parere decet iussis & servitia ferre. Verum quis iniuste horum aliquid sancitum statuatur? Nam:*

— Cuncta hæc superum demissa suprema  
Mente fluunt.

*Aut quis invidia Deum arguat? Valeat illud Beati Ambrosii l. 8. de vocat. gent. ubi investigari non potest quare ita iudicet, scire sufficit, quis iudicet. Nihil enim rerum nostrarum apud humanam rationem expers est rationis, tamen si nobis videatur. Fatendum sane in totius humani generis redundasse emolumentum, si primores nostri Parentes divino obedientes fuissent mandato, forsitan omnes nunc aequali viveremus sorte; nec tam multis fascinati essemus preceptis, si uni non reluctati fuissent: quin perpetua donati libertati, Domini totius universi evasissimus. Nunc vero posteaquam propria nos malitia in tot tantaq; calamitatum precipitavimus genera, merito in divina divini Patris acquiescamus voluntate, qui ab ejus defleximus Pietate; ac immensam suam intueamur misericordiam, severam dum meriti fuimus poenam. Etenim nunquam paternum a nobis declinavit animum; sed Clementem etiam in media ira defixum in nos habuit oculum, nostramq; quadamtenus refrenavit licentiam. Vah! quousq; impietate: & perveritate jam dudum prolapsi essemus? quandoquidem vix unquam perverus a diaboli fraude & dolo fascinata voluntas, divina cogitare permittere. Quapropter ut ipsa est Sapientia; ita & sapienter universa, quanquam non absq; mysterio ordinavit; verum ita, ut liquidò unicuiq; constaret, nobisq; testatum faceret, anxie illum nostræ inhiare saluti, adeoq; a vere nolentes volentes veluti nos ad aeterna rursus trahere gaudia; dum scripto suam nobis tradidit voluntatem, ne cuiquam posthac unquam prætensionis causa manere queat. Nec hoc tantum satis esse duxit, quin in  
super*



super eâ quoq; cum humano genere viâ progredi ipsi collibuit, ut, qui populum de voluntate sua admoneant, passim suos constitueret Vasallos & virtutum Coryphaos, in quibus insignem summæ suæ Majestatis speciem representare voluit; ad protegendos bonos, & pœna afficiendos impios, atq; ita totum humanum genus stygia abyssò addictum, æternâ æterni ignis viragine eripi & purissimo cœlestium animarum cœtui ad sociari voluit.

Cum igitur justissimo DEO, cui nihil unquam injustum placet, ejusmodi variabili statu humanorum cõditione, Mortales rotare, eorq; modo eorum promoveri salutem visum fuerit; meritò quilibet occultam miretur justitiam, & gratias manifesta agat misericordie. Imprimis verò hic, qui in summo summæ potestatis fastigio locatur, nunquam se ingratiitudinis nota infuscatum patiat; at acceptum divina referat bonitati & clementie, quod ex uno eodemq; nobiscum pulvere productus, honestiore adornatus sit larvâ: Nazianz. ORAT. 19. Nemo deniq; tantâ se oblinitum concedat socordia, ut virtutis cum pigeat exercere studium, dum se à cœlesti virtute factum recordatur. Equidem ad virtutem amplectendam unumquemq; honestatis ratio vocat; at imprimis ea se imbuere debent, qui ad regiam e-  
vecti sunt dignitatem. Cæteris enim mortalibus in eo stant consilia, quid sibi conducere putent; Principum verò diversa fors est, quibus præcipua rerum ad famam dirigenda, ut præclare Tiberius apud Tacit. 4. Annal. Virtutis itaq; adminiculo, nomen suum imprimis immortalitati commendabit, cum secundam Poëtam:

— — — Vivat post funera Virtus.

Idcirco hac fretus aurâ, tutus navigio, & absq; omnis jactura periculo navem in portum salvam transferre nitior. Nam in Monarchiam, que inter reliquias Reipub. formis, perfectissima simplicissimaq; haberi solet, pedem figere animus prurit, in eaq; Principis



cipis sive Monarcha personam paululū intueri libet, secundum  
quedam eius adjuncta ex triplici virtute deducta, quæ & Re-  
gem & hominem pariter eum admonere debent. At licet mate-  
ria hæc tanti sit ponderis, ut mihi meoq; ingenio ardua difficilli-  
mag; videri possit: attamen tentamina hæc mea, à Celsitudin.  
Vestris, nunquam improbatum iri confido; siquidem nullam ex  
his eruditionis laudē mihi redundare cupio; modo ab illis studio-  
rum meorum utilitatem promoveri persenserō. Accipite itaq;  
Celsissimi Principes, Domini mei Clementissimi, has nullo  
festiuitatis lepore conspersas, rudi autem stilo continuatas theses:  
quas simul ac ad vestram vestræ Clementiæ aram depositas vi-  
deritis, illis ne vestrum placendi studium denegetis, subnixè ro-  
go: vix enim aberit, si Clementiæ vestræ lumine irradiatæ fue-  
rint, quin radios coruscos latius sint emissuræ atq; sparsuræ suos.

## T H E S E S.

### I.

**U**T autem ritè meum persequar propositum, illud à Principis de-  
finitione exordior, illumq; dico, Personam publicam, cui sum-  
ma in imperio, divinitus est in subditos communicata potestas; ut  
videlicet iis sua relinquens bona propria, secundum DEI, naturæ,  
suasque ex iusto & æquo conditas leges imperet atque eos gubernet.  
Arniz. l. 1. pol. c. 9. p. 159.

### II.

Cum autem sola virtus Principis boni ideam spondere possit,  
si videlicet illà ipse præditus fuerit, aliosque ad perfectam duxerit;  
ut præclare Kekerm. l. 1. polit. c. 32. ideoque secundum nostrum in-  
stitutum, illam quoque triplicem facimus: atque dispescimus in  
Theologicam, Ethicam, Politicam.

### III.

Theologicam quod spectat, Pietas hæc est, quam in frontispi-  
cio



cio & primo tractationis limine ponimus. Nam fundamentum si neglexerit, qui ædificium extruere satagit, pessimè ager, facileque extructa corruent; pari ratione & neglecto virtutum fundamento, pietate nimirum (quæ humanæ felicitatis fundamentum, ac cui præmia quæ solo, quæ polo parata) cætera acta factaque mortalium cuncta felici destituntur successu. Hac itaque ante omnia Principem exornatum esse oportet, si boni viri gaudere titulo, seque terrestri felicitatis atque beatitudinis cœlestis participem reddere voluerit: quippè ac in eò summam suam collocabit operam, ut ad DEI gloriam univèrsa quæ sunt referantur, DEO prævio suscipiantur, DEO prosperante progrediantur, sub ope tandem DEI quoque fini-antur. Nam nulla ibi profectò erit felicitas, ubi vera non est Pietas. August. *L. 4. de civit. Dei c. 3.* Ita enim persuasum mihi habeo, etiam si omnes alias Princeps sibi annitatur comparare virtutes, ac in huius unicæ languescat studio, cæteras pro vitis omnes habendas esse: quin hac unicâ deficiente, reliquarum perfectionem vix unquam illum consequi posse statuo; omnis namque nostra perfectio à divina petenda est iustitia: ingensque virtutis in nobis defectus, perfectionis divinæ exuperantiâ supplendus. Guævar. *Horolog princip. lib. 1. cap. 18.*

#### IV.

Hanc verò suam pietatem tum erga DEUM, tum erga ejus cultum demonstrabit.

#### V.

Respectu DEI suam declarabit pietatē, Primò, piè & justè vivendo: Etenim quotidie animo secum perpendet, se, secundum Platonem, humanum quæmpiam DEUM, adeò ut nullius subijci teneatur imperio, præter solius DEI, cui Subjectum quicquid hic orbis habet. Similiter quoque erit sollicitus, ne labes aliqua tantæ aspergatur Majestati, quæ illam obscuret atque scædet, etiam ubi maxima sese ei ad peccandum incitamenta offerunt, siquidem casta & ab omni vitiorum spurcitie maximè libera esse vult vicina syderibus Majestas: quod si autem humano labefactari debeat vitio, nunquam non justo quoque homo ab ipsa afficietur supplicio.

Deinde



V I.

Deinde, se suaque cuncta divinæ protectioni submittendo, cogitans, facile se, divinitus sibi concredita bona amittere posse, nisi quoque ab eo, à quo ei affluxissent, conserventur. Magnum sustines onus capite, regium insigne, inquit Cobaris ad Bessum apud Curt. l. 7. Magnum imò gravissimum pondus, multis expositum periculis insidiisque; propter quod neque à tergo neque lateribus tutus, semper in metu aut periculo agitatus, Salust. ad *Cæs.* Ideoq; semel sceptro amisso, hunc, qui in regimine positus, non ut clientem ad eum fortè fugientem, ab eoq; per vim ereptorum restitutionem petentem verùm altiorem, Deum nimirum, adire, ab ipsoque precibus, amissa efflagitare oportebit. Quidni igitur favorem & amorem DEI debito omni tempore sibi conciliet? quia in adversitate non facile inveniuntur præsidia, quæ in pace non sunt quaesita. Prosper. *sent.* 92.

V II.

Tertiò, bono subditis exemplo præeundo: Etenim ut Regentium vitiiis tota infici solet civitas; sic quoque eadem commendatur continentia Cic. *de ll.* ad Principis itaque exemplum & suos quoque mores component subditi, si videlicet pius, DEI que amans fuerit; hi pariter pii Deorumque metuentes erunt; quia multitudo fermè regi pergenti similis esse solet. Liv. l. 5.

V III.

Tandem commissorum magnitudinem perpendendo. Nam cui plus commissum est, ille plus utique debet, inquit Amb. *sup. Psal.* 118. at quem latet, non unius alteriusvè personæ privatae, sed totius Reipub. salutem divinitus Principis impositam esse cervicibus; atq; exinde sui quoque regiminis rationem non cum mortali, sed immortali DEO, cui unice nostræ innotescunt cogitationes eum conferre tandem oportere: ea propter felicitatis & majestatis suæ Autoris omnibus horis meminerit, talemque se in omni suorum officiorum genere præstabit, ne latissimam tandem in terribili extremi iudicii die Christi vocem effugiat; verùm de se potius pronunciare gestiat: Euge serve bone, in parvo te fidelem præstitisti, plura tibi committam. *Matth.* 25. *vers.* 12.

Deni-



Denique Deo constanter in omni fortuna adherendo. Quippe haud fallitur is, qui spem fixam certamque in divinum collocat praesidium; quandoquidem humana sit vanâ fiducia *psalm. 116.* DEI vero firma in cunctis fortunæ flatibus assistentia. Ided vix tutum censeo Principi, humanis se nimis credere viribus; omnis namque felicitas ac bona cuncta ab alio nunquam ei affulgere solent, quam ab ipso præpotente Deo. Quod si verò divinæ universâ, seque totum committat providentiæ, humanas nunquam extimescet insidias; at Deum qui deserit, omnium se desertissimum statuat; quia humanæ facile ab homine infirmari valent insidiæ, cælitus verò allata, neque portæ inferorum superare possunt. Nam secundum Poëtam, *lib. 5. Tristit.*

*Plus valet humanis viribus ira DEI.*

### X.

Circa divinum cultum Principis quoque coruscare debet pietas, cum in omni Repub. *πρώτων ἢ περὶ θεῶν ἐπιμέλεια*, prima sit cura rerum divinarum Aristot. *7. Polit. c. 8.* atque religione sola universâ hominum constet societas; ab hac subditorum in Principem fides, erga magistratus obedientia, charitas in singulos, justitia in omnes pendeat. D. Besold. *disf. 1. de Educat. c. 7. p. 33.* Quippe quod nec ullus unquam DEI extitit cultus, optimæ qui politiæ melius convenit; insuper & nihil quod animos subditorum & cunctis qui imperitant conscientias magis devinciat, obediensque reddat, quod etiam eosdem in pace & quiete sine rebellione commodius & facilius conservet, quam religio, maximè Christiana.

### XI.

Duplex itaque in religionis negotio Principis sese exhibet officium; Primò ut veram, veritati atque sacris congruentem litteris foveat. Deinde illam ab omni hæresium fece illibatam conservet atque contra hostium vim defendat. Insuper tamen sedulò caveat, ne se ab erroneis erroneorum spirituum flatibus, instar volubilium foliorum circummagi patiatur. Nam minoris est excessus (sunt verba Gregorii) veritatem non agnoscere, quam in ea agnita non manere: imò quo ad fieri potest, nec talibus se ullo tempore irretire cogita-

B

tioni.



tionibus, quibus undis infernalibus non modo inundari, sed facile immergi possit.

XII.

Quanto honore & dignitate apud Ethnicos olim Dei cultores & religiosi imprimis Principes fuerint, haud difficile est monstratu ex relictis veterum scriptorum monumentis. Tarquinius Priscus Quintus Romanorum Rex prope immortalitate donatus fuit, propter singularem DEORUM venerationem, ut fatetur *Liv. l. vi*. Nam ad rerum gubernacula ubi admissus fuit, contentus iis non solum quæ condita in venerat templis; verum insuper in Capitolii area, famosissimum illud Jovis templum extruxit, cujus tanta fuit dignitas, ut, sicuti Jovem maximum omnium Romanorum DEUM staterent; ita templum quoque hoc omnium templorum primarium judicarent. Athenienses insuper & ipsi magno religionem habuerunt in pretio; Legibus namque constitutum fuit, illos qui verbulum tantum præter leges locuturi essent de Diis receptas, sine ulla venia esse puniendos *Joseph. l. 2*. Patet itaque, ut si, Ethnicorum licet obscurati tenebris, circa falsorum numinum cultum fervidi & diligentes fuerint. Cur non multò magis nostri imprimis Magnates horum alacritate accensi, in veræ religionis propagandæ studio gliscere potius quàm fatiscere debeat?

XIII.

Valeant oggannientes nobis, Magistratui in causâ religionis non esse commissum judicium; Nam ethi corporalis gladius, quem Magistratus gestat, pietatem in animis non efficiat; tamen disciplina requirit, ut eo ipso externas coërceat contumelias, quibus religio conspurcari, ipsum autem DEI verbum prophanari possit; id quod sacra ad oculum veluti scriptura nobis demonstrat. Nabuchodonosor & Darius Medus publicârunt edicta, quibus blasphemari DEUM Jsræliticum interdicebant, Præterea si totum hoc negotium ad veritatis libram revocemus, comperiemus omnem Rempub. ex triplici statu esse compositam, Politico, Ecclesiastico, & Oeconomico; ubique autem piâ ipsius DEI sanctione duos præpositos fuisse fratres in veteri fœdere, Moysen nimirum & Aaronem, quorum alter gladium, alter verbum tenuit: illum quidem gladio armavit Deus ad veram tuendam doctrinam & ejus coërceudos adversarios; hunc,



hunc, quæ ad verum Dei cultum pertineant, ex sacris jussit haurire fontibus. Interim circumspicere Magistratum politicum agere volumus, atque eum monemus, ne in messum alienam falcem immitat, & metas transiliat; verum Deo quæ Dei sunt solvat, Cæsaris vero Cæsari reddat.

#### XIV.

Ut autem vera in Repub. vigeat religio atque pietas, maxime requiruntur scholæ & Academiæ tanquam Musarum sacrarum domicilia & habitacula, in quibus animi Adolescentum nondum consilio & ratione firmati, omni liberalium artium genere imbuntur, veraque in religione confirmantur. Etenim sunt Scholæ, Ecclesiæ & Reipub. armamentaria, ex quibus omnis generis arma depromuntur, tum ad sincerum Dei cultum propagandum; tum ad Reipub. salutem & incolunitatem conservandam & defendendam. Alth. *pol. c. 28. n. 33.* sunt bonorum & piorum civium officinæ & artium seminaria, imò secundum Quintilianum, omnis felicitatis causa & fons, quæ totam solent ditare regionem, non secus atque auri vel argenti fodina. Nam hæc solæ nobis viros prudentes & sapientes spondere solent; Ex his tum regentes, tum obsequentes, utilia hauriunt & fugiendorum & faciendorum præcepta; in his quoque salutaria imperantibus suggerentes consilia educantur.

#### XV.

Quapropter si beatam Princeps Reipub. formam introducere satagit, nunquam à scholarum fundatione ipsi est abstinendum; verum sacrarum Musarum ædium, consilio & auxilio promovenda constructio. Nam nullas sanctius utiliusvè collocabit opes, quam quas in scholarum tum fundandarum, tum conservandarum usum contulerit. Enimverò salutem subditorum sibi unice propositam novit: quo autem medio melius hunc suum exsequi finem potest, nisi scholarum constitutione? quibus corporis pariter ac animæ subditorum salutem promovebit; fundatas verò viris sapientia, doctrina & virtute præstantissimis circumseptas, circumseptas stipendiis & aliis necessariis sumptibus munit, munitas in vigore & flore conservet, pro earumq; cura dies noctesq; excubet, atque tandem animum, veluti ex horto lepidissimo, decerptis doctrinarum floribus relaxet, eorumque mellifluo odore & sapore demolliat.



XVI.

At ut nihil doctrinarum studio præstantius pretiosiusque; ita docto atque in litterarum officina polito Principe nihil in orbe excellentius, nihil optabilius. Sub huius enim regimine artes liberales honore nutriuntur, floret Respub.; subditi vigent: vice versa ubi litterarum ignarus sceptrum tenet, non raro virtus exulat, honor Musarum latitat, Respub. laborat, & haud scio, quid iste curet (ut Manutij verbis utar) negligit animum quod nihil præstantius esse potest, seipsum ignorat, quo nihil turpius; corpori servit, quod illi commune cum bestiiis. Nescio verò quid sperandum ab eo qui salutarifero litterarum flumine se ingurgitavit. Nam doctrina, vel meliores reddit homines, vel deteriores, pro cuiusque natura & inclinatione: sed tamen verisimilius censeo, aliquem eam meliorem fieri. Etenim quod quisque magis, quid se deceat intelligit, eò vehementius ipsum neglecti pudet officij, ac etiam si omnino à maleficio sibi non temperet, tamen ne planè modum excedat, cavet.

XVII.

Plurimum semper valuisse litteras, litterarumque amantes, non apud plebejos tantum, sed in magnorum quoque virorum aulis, factis nos veterum Regum Principumve edocent exempla. Dionysius Syracusanus, aliàs sævitia natus, disciplinam Aristippi magno opere delectatus fuit. Alexander Magnus (referente Curtio) meritò etiam à benigno erga eruditos commendatur affectu: Aristotelem enim summo est prosequutus amore, eumque magnis affectit muneribus. Idem & Anaxarchum Philosophum magna habuit observantia, imò se se alterum optavit Diogenem, si non esset Alexander. Et quid longius in peregrinorum exemplorum inductione immoror? Cum tuum, SERENISSIME PRINCEPS JOHAN-CHRISTIANE, Domine Clementissime, mihi sufficere possit exemplum; Sollicitus hæcenus fuisti in Scholarum fundatione, id quod, tot exstructa Apollini, unicuique exhibent ædificia; verum ita, ut in antea fundatis, prius saluberrimo doctrinarum artiumque liquore eruditionis sitim laxare volueris; Quin ac toto adhuc incumbis animo, ut non tam unicuique litterarum amans videri, quam inveniri valeas. Tuos certe maximè hac in parte paterna movet alacritas: siquidem Tux Celsitudinis vestigiis insistentes, Nominis Paterni gloriam nominum suorum claritate non obscurare, sed ab obscuracionis nube

vin-



vindicare, omnibus nituntur viribus. Quantum virorum doctorum  
polleat apud te autoritas, in propatulo est; Quantis impensis, ope-  
ram suam scholis navantibus alas, foveas & promoveas, non ii tan-  
tum attestari valent, ad quos ingens Nominis Tui fama pervenit;  
quàm & ii, qui benigno hoc Tuæ Clementiæ affectu irradiati fuere.  
Et me Christe ita mecum statuo, unicum illud adhuc esse fulcrum,  
(divino tamen salvo auxilio) quo illustre illud Breganæum, quin  
tota nostra Brega inclinata recumbat, etiam in media vicinarum  
urbium ruina, angore & plangore. Urge, urge itaque, Perinclytum  
Silesiæ Decus, hoc tuum propositū, Deo gratum, Ecclesiæ commo-  
dum. erige, fove & protege literarum domicilia, quæ in adulta ju-  
ventus, moribus honestis educari, informari tandem & beari valeat.  
Scholæ etenim à Repub. nullo modo abesse possunt, illis namque si  
spoliati essemus, nihil rerum olim gestarum scire, nihil illis signifi-  
care possimus, qui futuri post nos: siquidem literarum usu memo-  
riæ fulcitur æternitas. Macrobi. l. 2.

XVIII.

Hucusque Theologicam Principis perlustravimus virtutem;  
Ethica nunc ejus evolenda venit, quæ Justitia. Meminit Lactan-  
tius l. 5. c. 5. Poëtarum de justitia figmento, quo illam statuerunt, vi-  
tius hominum offensam mortales linquere sedes, cœlestiaque petere  
loca; existimantes, hanc immortalem quandam esse Deam, gaudere  
imprimis hominum probitate, succensere verò eorundem pravitati;  
quò etiam Juvenalis respexit saty. 6. hunc in modum canens.

Paulatim deinde ad superos Astræa recessit.

Hac comite atque duce pariter fugere sorores.

Ethica autem licet hæc sint & fabulosa, ipsissima tamen his obscu-  
rata latet veritas, ut omnibus ferè solet poëtarum figmentis. Nam  
quâ in urbe, quave in regione, quâ in aula, parvus imò minimus tan-  
tum justitiæ locus conceditur, ibi magna grassantur flagitia, nec  
vitiatorum sectatores debitâ afficiuntur pœna: at ubi delinquenti-  
um connivetur vitii, certum est indicium justitiæ exulantis, &  
inde *παραδείσια* præsentissimæ.

XIX.

Hujus itaque necessitatem in bene constituta Repub. indicat.  
Macrobius, inquiens, sine illa neque gentem ullam, neque exiguum



hominum cœtum, imò ne domum quidem parvam constare posse. at quis ignorat ab illa ipsa, in omne hominum genus leges & jura promanasse: illam benefactis honores & præmia polliceri, malefactoris verò ignominiam & supplicia minitari? hanc bonorum excitare studia, malorum verò improba coërcere facta. Sanè dubitò hac sublata, an hominum inter se societas, ipsaque rerum universitas stare & tueri se punctum temporis possit. Hinc Platon *l. 4. de Repl.* magnam & ingens illam dicit esse donum, quod homines à Diis accepissent; qui cum aded fragiles sint imbecillesque, justitia gubernarentur eamque administrarent. Augustinus ejus quoque indicat præstantiam *l. 4. de Civ. Dei*, quærens, Regna quid aliud sunt remota justitia, nisi magna latrocinia? Quippe ipsa testatur experientia, nullam unquam fuisse vel futuram esse regionem tam barbaram feramque, cujus Respub. justitiæ, tanquam fundamento non innixa fuerit: ac, me Christe, qui potest fieri absque justitia multitudinem vivere posse, cum absque ea ne persona quidem unica regi valeat.

## XX.

Ast licet virtus hæc singulos stringat homines; attamen in Principis persona, tanquam, in Loco eminenti posita maximè eminet atque effulget, eumque præ cæteris adornat: Etenim ut recordatur, se divinæ Majestatis vices in terreno hoc sustinere regno, imò eum humanum quendam esse constitutū DEUM: ita virtute se quoque; imbuere meminerit, quam non patrimonii instar hæreditarii à majoribus sibi traditam, sed à DEO, fidei suæ scit commissam eamque exercere, qua DEUS præcipuè humanum genus regit atque gubernat. Justitiam autem illam esse nemo negatum ibit, quam subditi timeant, Princeps verò secundum æquitatem omnibus administrare debet. Hac olim Reges ad imperium erecti fuere, ut de Deo notat Herodotus *l. 1.* illum, propter singularem justitiæ existimationem, primum Medi creatum regem: Quapropter non tam covenit quam expedit Reipub. si mature Princeps justitiæ adsuescat, diligenter prospiciendo, ne subditi injuria laborent: certo enim statuunt secum, omnem injuriam, quam perferre coguntur Subditi, totam in eum redundare: neque sat esse illam officialium atque præfectorum curæ committere; quin & ipsi gnauiter inspiciendum ac invigilandam, ut officio perfungantur.

Hanc



## XXI.

Hanc igitur virtutem vulgariter dispecimus in Universalem & Particularem. Illam quod concernit, Principem de legum subjectione & exsequio admonet, suggerens ei, dignissimam esse majestatis regnantis vocem, Legibus se alligatum profiteri. Sanè nescio quorsum alegandi, suadentes imperantibus, licere iis, quicquid lubeat, nec unquam eorum majestatem legibus illaqueari debere; cū ipsi ut tamē referat, utrum bonos aut malos habuerint subditos; hos intra justitiæ terminos cohibebit, utiles & bonas leges iis sanciendo, sancitarum rigorem exequendo; illos faciliè suo exemplo sub modestiæ cancellis retinebit. Exemplo Lycurgi, qui non tam inventionem earum, quàm exemplo clarior fuit, nec quicquam à quoquam exegit, cuius in seipso documenta non eluxerunt: de quo Justin. l. 3. Quapropter cum Arnisa. l. 1. polit. c. 11. dicimus, nihil magis decorum aut regale esse, quàm legum jure solutum, sponte tamen legibus se subicere. Eleganter etiam Plutarchus in Epistola quadam ad Trajanum scribit: Occupatum te Princeps dicis in novis condendis legibus, at ego te occupari malle, ut servares & servari curares leges antiquas.

## XXII.

Cū verò ad Principis legum ferendarum munus devolvimur, ad duo imprimis animum illum adjicere cupimus. Primò & ante omnia, ut in ipsarum legum fundatione circumspèctè & prudenter agat; quod efficiet, cū majorum seu suorum Antecessorum leges sibi propositas habuerit, hac tamen ratione, ut pia & justa suadentes, confirmet; in Reipub. perniciem cedentes abroget; rigorem severiorem quàm æqua suadet benignitas, præferentes corrigat; imperfectione laborates suppleat & augeat: quo in negotio satis suæ eminebit prudentia, quin & effulgebit, cum has omnes à seipso conditas ad Reipub. conservationem & subditorum salutem direxerit. Bonum itaque hac in parte imitabitur Architectum, qui ædes firmis fundamentis & muris munit atque confirmat. Pariter & hic legibus ceteris fundamentis rempub. fulciat, quibus boni diutissimè vigeant; mali verò coërceantur, ne irruant, atque extructa devastent. Hunc enim finem omnes in universum leges spectare debent, ut videlicet earum metu humana coërceatur audacia, rataque sit inter improbos innocentia, & in ipsis improbis reformidato, suppli-

cio



cio, refrenetur audacia & nocendi facultas: ut eleganter Ifidor. l. 2. *Etymologiarum.*

XXIII.

Deinde latarum exsequutionem quoque, in consilium adhibita non modo ratione, sed & conscientia, fideliter peragat, quod beneficio iustitiæ distributiæ illum deducemus; quæ tanti æstimanda, ut si in repub. vigeat, ejus tranquillitas atque pacatus, quin & diuturnus sperandus itatus. Nam vix absque gravi Reipub. jactura fieri posse autumo, ut boni & bene de Repub. meriti præmiis careant: Mali verò debito pœnarum supplicio à vitiiis non deterreantur; siquidem hoc ipsum à benigna tetum cunctarum matre natura omnibus implantatum experimur, quemlibet muneribus citius ad laudis gloriam invitari; suppliciis verò plerunque à vitiorum actionibus avocari. Quapropter sapiens, sapientissimi Solonis effatum Principi commendamus, in duobus existimantis Reipub. positum fundamentum, Præmiis & pœnis: eique suademus, ut secundum utraque suos rectè cognoscat subditos: magno enim dedecori est, neque cognosci malos, neque honorari bonos: Guevar. *Horolog. princip. l. 1. c. 37.* & nec domus ulla nec Respub. stare potest, si in eà nec rectè factis præmia extent, nec supplicia peccatis *Cic. 3. de nat. Deor.*

XXIV.

Præmia itaq; à Repub. gubernatore nunquam negligi debent, cum secundum Poetam.

— egregios invitant præmia mores.

Ac licet etiam præmiorum gratiâ quis Reipub. operam suam navasse non videatur, ipsa tamen sibi vendicant gratitudo, præmia benefactis rependere; imprimis verò æquitatis ratio jubet, etiam non possenti deferre præmia. Illa namque bene meritis grata acceptaque cadunt; dum intelligunt, nunquam suam reipub. displicuisse operam. Hæc profectò si de repub. abesse debeant, quis tunc existat, qui præmio quid dignum præstet? siquidem (ut de suo mihi largiatur Romanæ eloquentiæ Parens Cicero) pauci post genus hominum natum reperti sunt, pro sua patria qui nullis propositis præmiis, vitam suam hostium objicerent telis. Contra verò apud quos præclaræ virtuti proponuntur præmia, ibi præstantissimi quoque omni-  
tem-



tempore extitère viri; Nam nihil non aggressuri sunt homines, & magna conatis proponantur præmia.

XXV.

Certa tamen præmiorum ratio Principi adhibenda erit, adeò ut nec ab excessu in defectum inclinet, nec defectus in excessum abeat. Veruntamen velocior ad distribuenda existat præmia, quàm ad irrogandas pœnas. Unico enim hoc probè observato, & subditos ad ejus celebrandas & amplificandas laudes instigabit, sibi verò favorem & honorem eorum uberiorem conciliabit, atque ad præclarum virtutis impetum magis magisque compellet, tùm & ad luculentiora, pace belloque, virtutis edenda testimonia provocabit. Suspendium autem animum hîc intendat, ne erogandis præmiis respub. exhauriatur; neve aquam in mare transportet; ac iis, qui rerum omnium affluentiam abundant, Reipub. quoque opes adjicere satagat. Verum potius horum merita debito honorum titulo recompenset; hæc tamen observata moderatione, ne honores & dignitates, nimium expendendo in contemptum trahat, neque modum excedat, & se, alios ad dignitatis gradum evehendo, è solio majestatis dejiciat; Periculosum enim est subditorum nomen supra vel juxta Principis nomen extollere. Keckerman, *l. 1. polit. c. 16. p. 778.*

XXVI.

At cum in Repub. de ejusmodi etiam grege inveniantur homines, quos mala efficacius, quàm bona movere soleant: æquè in Repub. pœnæ vigeant necesse est, quibus pessimi, ne aliis vel exemplo vel factò noceant, afficiantur. Triplicia verò se hominum genera offerunt, ut annotat Befold, *diff. 2. de pœn. c. 3. p. 115.* qui castigacionis scuto ab Imperante excipi debent: Unum eorum est, in quibus humana imbecillitas culpatur atque emendatur, ut is qui fortuito aliquo errore lapsus in posterum attentior atque correctior efficiatur. Alterum, cum ipsius Læsi dignitas atque autoritas animadversionem efflagitat, quo impiis Princeps respiciat, si autoritatis suæ aciem hebescere aut vilescere depræhendat, jure itaque tum eam à contemptu liberare, honoremque suum salvum conservare studeat, imò propter delicti gravitatem in delinquentem non nihil severius agat; Nam læsa ipsius Majestate, simul tota violatur Respub. Tertium tan-

C

dem



dem illorum est, à quibus propter exemplum supplicia exiguntur, ut aliis similibus laborantes vitis formidine pœnæ deterreantur.

### XXVII.

In his tamen omnibus, hac ratione justitiæ munus Principi obeundum est, ne clementiam negligere videatur; sed in causis levioribus lenitate progrediatur; in gravioribus severitate cum aliquo benignitatis temperamento utatur. Nam in eo nullo modo justitiæ rigor versatur, ut regentes carnificinam horrendam in subditos exercent, illos obtruncando & sine ulla, aut absque gravi causa ad supplicium eos rapiendo: quippe maleficiis nunquam satiari perversi est ingenii; ac talis profectò Rex aut Princeps à Tyranno non multum absimilis videtur, quoniam Regi minime detestabile convenit carnificinæ mysterium Curt. l. 3. sed affectanda ei humanitatis potius laus, quàm ultionis voluptas, insuper & mores civitatis magis animadversionum corrigit parcitas; Senec. de clem. c. 22. l. 11. Attamè quorum animos in tantum malitiæ immerfos comperit, ut neque minis, neq; verberibus ad virtutis studium compelli queant, vitæq; sint desperatæ & salutis, tollat è medio debito supplicio; cum nonquam salutaris rigor inanem spem clementiæ vincat, sanabiles verò corrigit & ad bonam frugem reducat.

### XXVIII.

Mirum sanè in modum suam Imperantes amplificabunt auctoritatem, clementiâ legitimè adhibitâ, qua videlicet apud subditos inprimis pollere debent, cum immensâ multitudo auctoritatis spiritu regatur, ut pulchrè Senec. l. 1. clem. quam, inquam, consequetur atque tuebitur nequaquam pœnarum asperitate & severitate; sed excellenti sapientia, hoc est clementia cum severitate juncta. Quapropter (cum Lypsio loquor) clementia hominis virtutum convenientissima, quia humanissima: sed nulla tamen ex omnibus magis quàm hæc Regem aut Principem decet, quia plus habet apud illos quod fervet: ac majore in materia apparet, quia omnia etiam conciliat quæ sceptro digna: & si paulo attentius rem perlustremus, comperiemur ex hac jucundissimum & suavissimum omnibus Principibus nomen prodire; Clementissimi namq; appellantur, mitigando videlicet pœnas eorum, qui ad viam bonam reduci possunt; tollen-



tollendo verò è medio membra putrida, quæ sanari nequeunt, ne  
valida, imò totum corpus lethifero impietatis veneno inficiatur.

XXIX.

Hanc virtutem Princeps maxime demonstrabit 1. in pœnis  
irrogandis, quæ omnis Tyrannicæ crudelitatis eum expertem da-  
bit; Nam ut se hominem recordabitur, homines nunquam conte-  
mnet Nazian. *orat. 30.* Sic hic carne se infirma constare oblitus, im-  
misericorditer carnem alienam torquet. 2. hostem eâ prosequendo,  
quem benignitate & clementiâ vincere quam armis præstat Polyb.  
*l. 4. 3.* Clementiæ oculis aspiciendo Pupillos & viduas, Lacrymas  
eorum abstergendo, foresque suas ipsi aperiendo, id tùm propter  
suum officium; tùm propter mandatum divinum *Es. 1. v. 17.*

XXX.

Quanto in pretio Athenienses Clementiam habuerunt, facillè  
est intellectu ex istis Claudiani verbis:

*flentibus aram*

*Et proprium miseris numen statuistis Athene,*

Quin & Macrobi. *l. 3. Satur.* testatur in Athenarum urbe sum-  
mo in honore templum misericordiæ habitum fuisse, ita quidem, ut  
nemini sine senatus permisso ingredi concessum fuerit, quoniam  
benignorum illuc Principum tantum statuæ positæ sunt repertæ:  
neque alius quispiam, præter misericordiæ viros, intrare illud po-  
tuit. Insuper laudandus quoque Claudius Imperator, quem cum  
tempore quodam, quædam accederet vidua, cujus genæ madentes  
lacrymis, ad ejus implorandam opem: Hic postquam eam conspexit,  
adeò misericordia motus erga illam fuit, ut Lacrymas ejus suas non  
tantum fecerit; verùm & manibus suis à facie illius absterferit. Illum  
Romanus quidam nobilis ob factum hoc vituperare conabatur, in-  
quiens: satis esse ad Principum Romanorum auctoritatem & gravita-  
tem, si justitiam petentes audiant subditos, etiam si lacrymas à facie il-  
lorum manibus non exsiccent: Cui integerrimæ pietatis Rex re-  
spondit: Bonum Principem eò nequaquam contentum esse debere,  
si nihil amplius, quam justitiam faciat judiciis officium, nisi in exercenda  
justitia misericors quoque videatur; malle itaque se angoris subdi-  
torum participem, quam ut oculos lacrymis plenos habeant auto-  
rem



rem esse. Trebell. Pollio in vita Claud. Imp. Quapropter serid adhortamur Principem ad Clementiæ studium : cum nulla sit tuta potestas, quæ non munita videatur benevolentia *liv. l. 8. & magnum est iustitiæ opus, pupillos & viduas tueri atque defendere Lat. l. 6. c. 12.*

XXXI.

Duas hæcenus pertractavimus virtutes Principe dignas: restat adhuc tertia Politica videlicet, quàm Prudentiam dicimus. Hæc cum reliquis ritè conjunctis Regentis personam mirè exornat, ejusque tanta est necessitas, ut nullam actionem sine hac feliciter perficere possit. Equidem hæc reliquas sub se virtutes non comprehendit; verùm nullatamen virtus eà vacare potest. Enimverò Virtutes in actione potius quàm in cognitione consistunt; ad omnem verò actionem recta requiritur ratio, ut secundum eam omnis perficiatur actio. Fatetur verò Arist. *l. 6. Eth. c. 6.* Prudentiam esse rectam agibilem actionem. Quidni itaque eam sibi Princeps adjungat virtutem, in qua omnium reliquarum splendorem maximè effulgere videat, ut in omni suo regimine & sibi & Reipub. bene rectèque consulere queat?

XXXII.

Duplici autem præcipuè hoc tempore, à Regentis persona observari debet. Pacis videlicet & belli. Illo suos nitatur regere subditos consilio tam suo, quod videlicet ipse excogitavit, tum alieno, quod à viris prudentibus accipit.

XXXIII.

Illud ei unicè pollicetur præclarum literarum studium, si hærum benè peritus, inque omni liberalium artium genere pro ratione modoque optimè versatus fuerit. Nam Prudentia, ex qua tanquam ex uberrima quadam aquarum scaturigine, non nisi bona redundare & salutaria promanare solent consilia, nulla in re alia magis conspicitur, quàm in bonarum vel malarum rerum notitia; quin exhibetur quoque in exemplorum veterum & recentium tum observantia, cum pericia. Utramque verò unicè ei desiderabilis literarum conditio præstabit, quæ sola naturam laudabilem eximiè reddit ornatam. Ibi namque prudens invenit, unde sapientior fiat; ibi bellicator reperit, unde virtute animi roboretur; inde Princeps accipit, qua



qua ratione populum sub æquitate componere valeat. Nec aliqua in mundo esse potest fortuna, quam literarum non augeat gloriosa notitia. hoc scio, inquit Senec. *Epist. 17.* neminem bene vivere posse, sed nec tolerabiliter sine sapientiæ studio, & cum omnia habueris, rùm habere quoque scientiam voles & sapientiam. Rectè Alphonsus Rex Aragonum, commemorantibus quendam ex Hispaniæ Regibus dixisse, non decere Principes viros scire litteras; exclamans eum objurgavit, hanc vocem bovis non hominis esse. Quapropter hac adornatus Princeps, non nisi bonum à bono proficisci potest consilium.

XXXIV.

Verùm cum Principes ejusmodi perfectos, qui cuncta suo regere valeant consilio, optare potius liceat, quàm habere: ideoque alieno quoque opus habet consilio, hoc est, quod à viris Sapientiâ, doctrinâ & virtute pollutibus promanat, quos sibi adjungat eorumque utatur conversatione. Nullum namque magis indicium bonæ mentis Princeps ostendere valet, quàm adjungendo sibi viros virtute & fama celebres; ac proinde Sapientissimus ille, cui quid opusest, ipsi veniat in mentem: proximè tamen accedit ille, qui aliorum benè inventis obtemperat. Cic. *pro Cluent.* Pecuniâ quidem maximè defenditur Respub. cum hæc nervus & sanguis alter mortalium; attamen bonis quoq; gubernatur consiliis, quæ prodeunt ex iis, qui supernaturali hoc lumine illustrati. Vives *l. 2. de anim.* Laudandus M. Aurelius Imperator, de quo Lampridius, nunquam eum manibus cibum ori aptasse, neque nocturnæ se quieti tradidisse, neque strata liquisse, nisi adfuerint viri Sapientiæ stolâ amicti. Nec responsio Theodosii Magni Imperatoris floccipendenda, qui interrogatus aliquando, quid Principi faciendum ut bonus evadat, ajebat. Principem virtute illustrem cum iter facit, comitari debent sapientes, cum illo colloquentes, cum cibum capit, mensæ adstare debent sapienter disputantes, & quicquid superfuert temporis cum sapientibus consultando transigere debet. Minus enim temerarium esse militem sine armis præliū ingredi, quàm Principem non adhibitis in consilium sapientibus regere velle Rempub.

XXXV.

Hercule, si Principem à capite ad calcem usq; paulò intentius perlu-



perlustremus, certè nullà re alia magis beatus effici poterit, quàm virorum verè prudentum confortio & conversatione. Nam ne votis quidem quicquam concipitur, quod non expeditius sapiens sapientis præstet dictio, quàm stolidi imprudentis ratio. Quid enim tonante fortuna magis eum sublevabit, quàm prudens verè prudentis oratio? Quid blandiente eum recreabit, quàm sapientis monitum, ne fortuna favente caveat tolli; sevientem caveat mergi: Et secundum Senecam *Epist. 85*, Nulla res sapientis excludit actus. Alexandrum Magnum nihil unquam magis delectavit, quàm sapientum virorum conversatio: Laërt. *l. 9*. aded ut verè dixerit: Principes dum servi sunt sapientum, domini universi evadunt.

XXXVI.

Quid, quod Prudentes viros in consilium esse adhibendos, ipsa ante omnia sacra nobis monstret scriptura. Moyses salutari Jethronis consilio & suavis, viros sibi ad sociavit fideles, in quorum sinu peniciores suas effudit curas, ne videlicet, unius populi cura in eum solum coalescat. Davidem quoque sapientum virorum comitatu stipatum fuisse itidem divina refert pagina. Quin & Sapientum Sapientissimus Salomon *Proverb. 11*. inquit, Salus est in amplitudine consilii, & ubi prudentia non sunt consilia, corrui populus. Principem igitur, dum multos regere satagit, multorum convenit audire consilia; cum magna negotia, magnis egeant adiutoribus. Neque enim unquam tantam Principis statuo prudentiam, quanta quanta etiam illa in ipso eluceat, ut errori natus non videatur, cum constet; nullum esse Principem, qui non aliquando labatur & erret: ea propter tutius non modo quin & utilius Princeps progreditur, præsertim ubi anceps rerum emergit ala, si suis non hæreat consiliis, sed aliorum quoque; auscultet sententiis, quas, dum firmas & certas in venerit, audiat, iisque ad stipuletur; sin secus, rejiciat & meliora proferat.

XXXVII.

Certum verò Consiliariorum numerum Principi adscribere non laboramus: sed cum Leone Imperat. in *lib. de bell.* apparatu dicimus, in rebus occultis & abditis viros fideles & temperantes atque taciturnos ei in consilium esse adhibendos, cum secretæ res, ut secretiores fiant non indigeant multitudine. Hinc apud Persas nemo consiliorum Regis particeps fuit, præter optimates, & eos qui silentii numen



numen coluere. Attamen hæc dum dicimus, minimè consilia multorum mentibus agitata rejicimus, sed ea tùm potiùs probamus, cum ita cruda existunt negotia, ut unius atque alterius prudentiâ concoqui nequeant; quia multæ manus plus efficiunt quàm una, & oculi plus vident quàm oculans.

### XXXVIII.

Universa tamen consilia ad bonum publicum in primis referre convenit: quod ut Princeps unicè sibi propositum habet; pariter & hi, qui ab ejus sunt consiliis spectare illud debent: siquidem res privatae semper officere officientq; publicis consiliis Liv. l. 22. Nunquam itaq; illi ad consultationis munus vocandi sunt, qui ad curiam tanquam ad certamen adulationum veniunt; aut qui ex odio judicare assueverunt. Nam malè cuncta ministrat impetus, & stimulare non rarò privati odii pertinacia in publicum solet exitium, inquit. Tacit. *1. Hist.* verùm ejusmodi cane angueq; pejus fugiendi, ac à Reipub. arcendi, qui Principum solùm lambere aures didicere, & ut in proverbio dicitur, crystallum Adamantem vocare non erubescunt, ac adhibendi candidi & sinceri à quibus omne crimen resilit; nec alienis inserviunt auribus, sed quorum ingens ingenii candor eminet.

### XXXIX.

Aureum hucusque fuit, ferreum nunc sequitur seculum, quo

*Mars omnia complet.*

Hoc sanè in argenteum vix deducetur, nisi adsit qui ex Promethèi auro conflatus, & cui nulla res tanta sit tamq; difficilis, quam non consilio regere, integritate tueri & virtute conficere valeat. Enimverò bellum inferre parvi forsitan momenti res erit; at idem justa de causa inferre, illatum sapienti consilio aut declinare aut continuare, hic labor, hoc opus. Nam quamvis plurimum in bello possit fortuna; attamen virtus & scientia rei militaris multum quoq; adjuvant. Hoc autem bono reipub. Moderatori præstat in turbulentissimo rerum statu Prudentia, & in primis gliscente Martis ferro, ut tranquillum potius nitatur servare Reipub. quàm armis hostem provocare: quippe cogitabit non parùm Reipub. incommoditatem promoveri, crebris & assiduus bellorum tempestatibus ac procellis eam vexare; quin nec salva, Bellona furente, bona tàm publica quàm privata manere demonstrat.

Bellum



X L.

Bellum autem omne in offensivum & defensivum dispescimus, hocq; illi multis, ut dicitur, parasangis præferimus; quia primò adversus inferentem damnum justa nonnunquam est ultio, ac ipsa rerum cunctarum provida mater natura vim vi pellere atq; violentiæ resistere quemlibet jubet i. deinde nunquam non iusta de causa suscipiatur; cum illud injustam sæpissimè prætendat.

X L I.

In utroq; horum Principis locum habebit prudentia, verùm ita, ut plus in consiliis, quàm viribus præsidii statuatur. Consilium autem ante omnia summi DEI adeat, qui solus bellorum exordiis, progressibus, finibusq; moderatur August. l. 7. de civ. Dei. quia ejus ubi non petierit consilium, nec auxilium ab ipso expectare unquam poterit Liv. l. 5. atq; universa benè gerùtur, si rei principium fiat decens & amabile DEO. Imò, ubi divina providentia consiliis actionibusq; hominum non commilitat, malus iis exitus obvenit & cogitationibus valde adversus. Idcirco in pia pii Davidis insistat vestigia, de quo sacra refert pagina, illum nunquam belli fecisse initia, nisi Diis ritè in consilium convocatis. ob eandem quoq; pietatem commendatur Judas Machabæus, qui aciem nunquam ingredi solitus fuit, nisi sacris debitâ devotione peractis. Cujus rei Romani quoq; observantissimi fuerunt, qui placulū duxere prælio vacare, nisi victimis prius immolatis, aut oraculis legitimè in consilium adhibitis. Ideoq; certò secum statuatur Princeps, plenam nunquam se de hoste reportaturum victoriam, nisi suam prius in manus DEI depofuerit querimoniam.

X L II.

Humana tandem divinis conjungere ei conceditur. Nam quem admodum is, qui per regiones longinquas & montosas iter expedire animum induxit, prius id agit, ut vias omnes maximè sibi exploratas habeat, ne postea suscepta itineris molestiâ, impediatur. Sic sapientem quoque omnes decet expendere casus, præsertim afflictam dum perspicit Rempub. Martisque in ea grassari horrentia tela, ut providè & cautè cuncta ingrediatur & finiat, ne in medio succumbat. Res enim bellicæ, summa cum prudentia sunt perpendendæ & accuratâ cum deliberatione tractandæ, eligat sibi itaq; Princeps spectatæ



Etate virtutis viros, ad quos totum belli deferat negotium, simul, ac cum his quid detrimenti, quid emolumenti sperandum pertractet. Veruntamen utendo linteolo potius ad detergendum vultus sudorem, quam eundem scindendo ad exsiccandum capitis sanguinem.

#### XLIII.

Tandem ubi spes salutis non nisi in armis relinquatur, cogitandum est de bello, non quidem inferendo, verum dextrè perficiendo: cum secundum Ciceronem, bellum omne ita suscipiendum, ut nihil aliud, quam pax quaesita videatur. In primis verò probè ejus ponderanda causa, qua nunquam injusta esse debet, adeò ut sub calliditatis signo bella suscepta videantur. Non enim ad propagandos imperii fines arma sunt capessenda, quia pacis artes securius ad animi tranquillitatem ducunt; neque regnandi cupiditate hostis provocandus; his enim, quibus pessima & immodica placet regnandi cupiditas, pax raro placere potest. Et quid, quæso, regnandi ardore flagrantibus aliud tandem consequuntur, quam ut fateantur cum Julio Cæsare se nihil amplius affecturos fuisse propter cæsaris dignitatè, quam ut occupatus viverent; aut ut fructus altitudinem metiantur ac postea, dum ad cacumen pervenire contendunt, cum ipsis ramis decidant. refert de Augusto Sueton. l. 2. de Cæs. c. 20. quod illo, populo neque carior neque felicior exstiterit, siquidem in tantum pacis amantè eum fuisse, ut nunquam nisi gravissima de causa belli adiiisset pericula. Contrà quale Galli victoriæ reportavèrè præmium, in propatulo est, dum gustato Italiæ vino, omni destituti causa alia, Italici belli intulerunt, nimirum pro vino Italico sanguinem mutarunt propriū Liv. l. 5.

#### XLIV.

Ac licet Magnates injurias more humano ægrè ferre didicerint, non tamen ea propter armis statim illas propulandas esse existimant: verum æquo cuncta prius perferenda animo, nec una statim relæsi, in bellum proficisci, ac multis tandem offensis redire. Denique omnibus adhibitis remediis, ubi perdere suam deprehendunt operam, ex æquo se suosque defendere tenentur subditos. Quapropter felicia bella quæ justa sunt Liv. l. 2. Justum autem est bellum quod necessarium & pia arma, quibus nulla nisi in armis spes relinquatur, id. Liv. l. 9. aut quod pro fide aut Salute Reipub. geritur. August. l. 22. de civ. Dei. c. 6.

D

Postea



XLV.

Postea quoque de viro aliquo idoneo Princeps sit sollicitus, cui imperii habenas demandare valeat; in primis autem qui scientiæ rei militaris peritus, virtute singulari, autoritate & felicitate polleat; in quo labor in negotiis, fortitudo in periculis, industria in agendo, celeritas in conficiendo, consilium in providendo eluceat. Qui secundum Livium, corpus habeat validissimum, arma apta, animum paratum ad subita imperia: qui famam divitiis anteferat: cum deceat animos generosos parvi incrementa opum, magni verò famæ immortalitatem æstimare. Veterum Romanorum non magis intueatur, quàm imitetur exempla, qui gloriæ in tantum avidi fuere, ut nullam laboris præmii aliud spectarent, quàm cognomine subactæ provinciarum donari.

XLVI.

His tandem adiungitur militum conductio, quos in tempore conscribere Principi expedit, ut eorum operâ uti valeat, cum sibi opus autumat. Milites verò alat non tam quibus Lingua ad temeraria prompta, quam quorum manus in pugna vigeant. Qui in ipso exercitus discrimine fortissimi, ante discrimen paratissimi. Sanè si hodiernorum nostrorum militum conditionem paulo altius nobiscum animo reputemus, eorum mores magis deplorari, quàm honestè memorari possunt: siquidem degenerarunt à robore & virtute, voluptatum assuetudine Tacit. 2. *hist.* Galeatis verò non multum videntur ab similes leporibus, quibus præclara ad populandos finitimorum agros, tecta urenda & capienda pecora vis, in acie verò & signis collatis nulla ferè aut exigua plerumque esse solet. Imò quod deplorandum contra militum audaciam hodierno seculo nullius res tutas fore, domum clausam, vitam septam, pudicitiam munitam, quin insuper maxima horum pars suam contemplans frequentiam, à disciplina desciscit, & quod capere se posse existimat, rogare non sustinet. Hos tales diris omnibus Princeps devovendos putet, ac eligat, qui animi præsentiam in periculis cum ratione conjunctam habeant; quorum mores probati, qui pietatem colant, laborem non fugiant; quibus sudor & pulvis jucundiora epulis. Qui legum metuentes, in hostes audaces, in quævis patienda minimè trementes.

XLVII.

Ut autem virtute & probitate spectabiles Princeps habeat milites,



lites, disciplinam ante omnia fovere debet, quæ eos intra obedientiæ terminos retineat, ne laxis licentiæ habentis, in omne vitiorum genus dilabantur & excurrant: siquidem præcipuum est decus & imperii stabilimentum militaris disciplina. Duces ad revocandos pristinæ militiæ mores seridè admonere debet, ut nulli errantium ignoscant, sed omnes culpas militares, legibus vindicet, siquidem a spero & abscesso castigationis genere militaris indiget disciplina, quia vires armis constant, quæ ubi à recto descivere tenore oppressura sunt nisi opprimantur. Val. l. 2. c. 2.

#### XLVIII.

Deinde, cum impossibile sit simul pugnare & cum natura & cum hoste Keckerm. l. 1. pol. c. 30. cogitandum quoque est Principi de militum stipendiis. Nam in duobus potissimum ejus consistit Potentia, quibus conservatur atque augetur: Milite videlicet & pecuniâ; quorum unum absque altero constare nequit. Idcirco diligenter ei perspicendum ut ærarium publicum sit pecunia referendum, qua miles alatur, bellumq; perficiatur. Attendendum tamen, ut cuncta hæc expédiantur absque subditorum in primis jactura & damno. Huc enim referuntur contributiones quæ subditis imponendæ, non ut spoliariû civium cunctarumq; rerû præclarum receptaculum, sed tanquam pacis precium: unde quæso excrescat arbor, si unà cum radice evellatur? animadvertendum denique ne nimis crebræ fiant, ac postea sub necessitatis publicæ velo avaritia & rapina latere depræhendatur. Sed tributa cum hac moderatione à subditis exigenda, ut illos ab hostibus Imperantes liberent, & contra Tyrannos defendant, Ant. Gueu. Horolog. Princip. l. 3. c. 2. n. 455.

#### XLIX.

Subditi itaque sui hac in parte memores erunt officii, nec Principi unquam tributorum exactionem reculabunt, modo in Reipub. usum instituatur, ut aut in pacetranquillè sub ejus tutela vivere, aut violatâ, pristinam his tranquillitatem inducere valeat. Huic rei viros peritos & fideles præficiat; qui tributa exigant, sintque bonorum communium, non suorum custodes & dispensatores ut loquitur Arist. l. 5. polit. c. 11. quibus probè injungat, ut æquali libra exactiones ponderent, nec hunc sublevent, alium premant, sed æqualitatem servent.



## L.

Ad extremum suam Regens revelabit prudentiam, & quidem 1. ante victoriam; ut contra hostes magis orando, quam feriendo pugnet: cum à Deo solo promanet victoria, ut regius Psaltes testatur *Psalm. 118. vers 15* Illam itaque prius suis fatiget precibus, deinde subditos quoque ad suas effundendas compellet. Lacrymæ enim quæ ex compunctione cordis veniunt, & inimi cum vincunt, & nobis donum lætitiæ triumphalis acquirunt. Fulg. *Epist. 30. 2.* in ipsa victoria severitatem abditam patiat, clementiam verò in promptu habeat. statuens, eam demum præclaram victoriam, ex qua plus clementiæ quàm crudelitatis remaneat. 3. Post victoriam caveat, fortunâ aspirante, ob felicem rerum exitum insolescere; sed secum potius expendat humanos & communes casus; atq; Deo soli prosperum hunc belli eventum adscribat, eiq; cum toto populo dignas persolvat gratias, ac eâ cautè & modestè utatur, existimans rem gravem esse, magnam concoquere felicitatem.

---

 QUÆSTIONES:

## I.

*An Magistratus, an verò Subditi priores existierint?*

Distinguiamus inter prius naturâ & prius tempore. Subditi priores fuerunt regentibus ratione temporis, quia Reges omnes ab initio liberis subditorum votis electi fuerunt. At posteriores sunt regibus, naturâ; Nam actio (secundum logicorum & Metaphysicorum axioma) naturâ prior est passione.

## II.

*Quenam ex tribus istis Rerum publicarum formis, Monarchia, Aristocratia & Democratia, sit præstantissima, caterisq; præferenda?*

In hujus quæstionis decisione, communem sequimur Politicorum sententiam, atque pro Monarchia pugnamus, quæ ut origine prima fuit *Arist. 1. polit. c. 2.* ita quoque simplicissima & reliquarum quasi mater censenda: *Arnise. l. 1. polit. c. 9.* Quæ numero isto



isto præstantissimo & simplicissimo unitate videlicet, multitudinem subditorum ad naturalem reducit unitatem Keckerman. *l. 1. polit. c. 1.* meritoque reliquis ante ferenda, hac tamen adhibita distinctionis cautela, ut id quod sua natura & per se præstantius est separemus ab eo, quod vitæ humanæ & humanis inservit imbecillitatibus.

### III.

#### *Succeſſione an Electio præſtet?*

Quæſtio hoc ſeculo valdè controverſa, aded ut politici ſibi de hac conſtare non videantur, dum hic huic, alter alteri parti patrocinator: nos tamen ſtatuiſmus habendam eſſe receptæ conſuetudinis rationem; ita ut eligantur Reges in regno electio, ſuccedant in regno ſucceſſivo. Etenim quæ ſuo in ſtatu manent, eademque etſi deteriora ſunt, ſunt tamen Reipub. utiliora his, quæ per innovationem vel meliora inducuntur: Præſentia enim ſi ſine ſcandalo mutari nequeunt, ſunt ferenda Cic. *2. de divin. Reſpiciendum tamen eſt ad Monarchiam perfectam & imperfectam, ubi in hac forſitan prærogativam quandam electio tenere poteſt.*

### IV.

#### *An Princeps alienus à religione legitimus ſit cenſendus?*

Affirmatur: talis enim Rex ſive Princeps nunquam illegitimus neque pro Tyranno habendus, nec contra eum inſurgendum, modo publicam hic foveat honeſtatem & utilitatem, cujus gratiâ maxime & primariò conſtituitur: Siquidem Chriſtiana religio honeſtatem haud unquam tollit, neque politias ad bonum civile & honeſtatem compoſitas, quæ ad pietatem tanquam finem eminentiorem aded reſtriçtæ non ſunt.

### V.

#### *An diverſæ religiones in Repub. tolerari poſſint?*

Summis ſanè exoptandum eſſet precibus, ut una in Repub. & quidem Chriſtiana obtineat dominium, atque ſecundum Apoſtolum *Act. c. 4. verſ. 32.* Multitudinis credentium cor ſit unum &



anima una. Cum felix in super prædicanda Respub. & beata civitas, verâ sanioris doctrinæ luce collustrata; nullumque firmiter unquam sperandum concordia & unitatis vinculum, quam si in unâ verâque religione unanimo animi consensu cives invicem devinciantur. *Besold. diss. de Educ. p. 80.* Ast religio una, cum forsitan in imperio facilius optari, quam sperari valeat, summis Magistratui suademus anniti viribus, ut vera & una veri DEI, quoad fieri potest, propagetur religio, eaque contra injurias & oppressiones hostium defendatur; ita tamen ut pax publica non turbetur, sed injusta nonnunquam justissimo præferatur bello. Quapropter sapientissimum prudentes rerum pub. Gubernatores, imitari debent Nauclerum, qui, cum horrenda obstante tempestate navim, quod cupit, flectere nequit, qua potest via insisit, atque procellis & tempestatibus aliquando obtemperat. Pari ratione & Magistratus Politicus, diversarum religionis cultores probè secerni & sibi illos persuasos habere debet, an forsitan lethale illud suum superstitionis venenum, inter subditos vero imbutos DEI cultu spargant, quod si ingravescere malum hoc videant, putridum potius præcidendum est membrum ne pars sincera trahatur: attamen fraterne prius potius admoneantur. Sin verò pacatè & tranquillè vivant, tum spe conversionis, tum publicæ pacis gratiâ tolerari possunt.

VI.

*Possunt ne cogi Subditi ad religionis negotium?*

Negamus simpliciter, & cum Rege Stephano dicimus: DEUM tria sibi peculiariter in humanis reservasse: ex nihilo aliquid creare, nosse futura, conscientias dominari. Itaque universâ ut certis subjiciuntur legibus, sola & unica nec cogi nec imperari potest religio. id quod ipsius docet Christi exemplum: Nam posteaquam Samaritani eum recipere noluerunt, existimabant humana ratione Jacobus & Johannes eos perdere, ideoq; ad Christum dicebant, Domine vis, dicamus ut ignis de cælo descendat, atque illos consumat? At Christus eos increpavit dicens: Nescitis cujus vos estis; Spiritus? Filius enim hominis non venit ad perdendum animas hominum, sed ad servandum. *LUC. 9. v. 45.*

*An li-*



VII.

*An licitum sit subditis resistere Principi?*

Nescio quò me vertam ne vitatâ Charybdi, in Scyllam incidam, siquidem periculi plenum est disputare de iis, qui amputare possunt, at præeunte sacra nobis scriptura, facile omne evadam periculum; Petrus 1. *epist. cap. 2. vers. 13.* sermò nos admonet ut pio & impio pariter Regi præstemus obœdientiam inquitens: Subditi estote cuius humana creatura propter Dominum; sive regi tanquam præcellenti; sive præsidibus; Itaque temerè resistendum Principi non est, quia omnis Magistratus quatenus Magistratus, in se habet aliquid divinum, dum Deus præficit imperiis Reges & Principes, pro ut ei placet, cui nihil injustum placet; ideoque præclari hujus ordinis confusiones non vult nec approbat, multò minus adjuvat, etiam si permittat, certas tamen collocat metas, quas egredi minime fas est. Sin autem res eò redacta videatur, ut non nisi in armis spes relicta fuerit (quod tamen nunquam, aut rarò tentandum) id solum jure naturæ & vitæ defensionis gratia contra manifestam Tyrannidem fieri debet, verum ita ut novies ictus excipiantur, antequam lethalis inferatur. Quo in casu non quidem multitudinem adversus Principem excitamus, sed optimatibus & Ephoris atque omnibus iis, in quos publico consensu potestas publica in ea Reipub. necessitate collata, rem totam commendamus. attamen attendant, ne humores moveant in corpore cacochymo. Quibus simul conniventibus & consentientibus cum Rege, illud Christi privatis injungimus, in aliam vos recipite civitatem, si fugere prohibitum, vitæque potius renunciate quàm Deo; Præstat enim crucifigi quàm denuò Christum crucifigere.

VIII.

*An ad Principem cura Ecclesiastica pertineat?*

Propriè Ecclesiastica Principem non stringunt. Quia spiritualis contemplatio & administratio civilis, minime conjungi debent nec possunt: nisi utrumque voles, utrumque perdas: Bernh. l. 2. Diverfa enim objecta diversum arguunt officium. Sacerdotis autem rerum divinarum est contemplatio: Principis verò rerum humana-



manarum actio. Idcirco in Politico foro constitutus, stationem suam nunquam egredi debet, nisi quousque ei concessum; illuc enim non hominum suffragio, sed ipsius DEI consilio se constitutum sciat; adeoque haud Spartam suam prodat; sit morum bonorum Ephorus, Cultus divini custos, Justitiæ defensor & administrator. Contrà ecclesiastica curet, qui ad Ecclesiam vocatus, nec falcem suam unquam in alienam messem immittat, nisi quousque; ei suum permittat officium: audiat ipsius Christi vocem, Reges gentium dominantur, & qui eas in potestate sua habent benefici vocantur: vos autem non sic: *Matth. 20. v. 25.*

IX.

*An Princeps legibus sit solutus?*

Distinguiamus I. inter Potentiam ordinariam & extraordinariam. Respectu ordinariæ, Princeps legibus solutus non est; siquidem non destructor sed legum exsequutor, esse debet. Respectu verò potentie Extraordinariæ solutus est legibus, sed civilibus, non item naturalibus: quæ, ut divinâ sunt sancitæ providentiâ, & quæ Imperantes quàm subditos stringunt. 2. Inter legum vim duplicem Dirigentem nimirum & coërcentem. Dirigens omnem in genere hominem stringit, adeoque ipsum quoque Principem, & huc referri optimè potest illud Theodosii Imperatoris, inquitentis, dignam esse Majestatem regnantis vocem, legibus se alligatum profiteri. Coërcens verò Principem non obligat, sed hac tanquam instrumento agit in subditos, nunquam autem instrumentum in semetipsum agit.

X.

*An pecunia recte nevis belli dicatur?*

Quanquam virtus, præcipua belli causa, adeoque cor capitq; ejus perhibeatur; imò ipsa manus pedesque; attamen ei quoque pecuniam adjungimus. Etenim manus atque pedes nunquam suo fungentur officio si nervis destituti fuerint: similiter quoque Miles virtute, manuque suâ hostem nunquam solum vincet, nisi pecunia adsit, quâ ejus sublevetur corpus atque sustentetur; nisi fortè naturam vincere, quod vix reor, didicerit. Itaq; distinguiamus inter causam belli principalem, quam virtutem; & instrumentalem, quam pecuniam statuimus.

Atque hæc in præsentiarum scripta sufficiant FINIS.



Præstantiff. Dn. Respondenti

Amico percharo



*Rincipis ergò boni certam describis  
idéam?*

*Hunc da, & grata mihi secta Pla-  
tonis erit.*

M. JOH. CONRADUS DANHAWER,  
P. L. Et P. P.

**P**RINCIPIS officium quod sit, que functio vera,  
Schvopius hoc thesibus strenuus hisce docet:

(Schvopius ingenio nulli fortasse secundus

Schvopius ingenue mentis & artis amans;

Schvopius, insignis medicâ Doctoris in arte

MÜNCKERI observans, quem vicè patris habet;

Σχολάσιος ἐνστάτη τέχνης πατὴρ πάλαις ἀγοισιν

Σχολάσιος ἐν πολλοῖς πάλαις μόλις φησὶ.)

Quas ubi lustrâris lector reverenter habende,

Invenies illis absoni inesse nihil:

Semideus PRINCEPS etenim est, DEUS imò vocatur

Terrenus; velut hoc pagina sacra probat.

Tales SEMIDEOS, summus DEUS ille Deorum

Concessit Silesiis, non sine fruge, plagis:

Talem SEMIDEUM Lygio Bregensibus, hincq;

BICINÆ patriæ contulit ille mee

Talem SEMIDEUM, tu SCHVOPi, suscipe, talem

Devotâ semper mente verere DEUM;

Tali, quâ poteris vitæ ratione placere

Gnavus in Argyropes manibus hisce place,

Non imitare malos furiatâ mente Choræbos

Qui Veneris Sponsi, Penelopesq; proci

E

Mollis



Mollia qui stolidi nimio multicia luxu  
 Gestant, atq; comam more Thraſonis alunt:  
 Et niſi Santonicis ſunt recti bardocucullis  
 Cercopithecorum clunibus inſtar eunt.  
 Quiq; per ingluviem poſtquam ſua nomina cernunt  
 Extare in tabulis, facta nefanda patrant:  
 Quiq; domum ad patres mendacia putida ſcribunt,  
 Lethali ſe ajunt decubiſſe malo,  
 Et Sacram in lecto (falſo) accepiſſe Synaxin;  
 Oſcelus! ac ſi eſſent Parca in agone trucidis.  
 Quiq; ubi ſe norint Gyaris & carcere dignos  
 Tunc pedis oſtendunt præpete crure volam:  
 Et ſimul Autolyci ſubeunt caſtra rapacis,  
 Dignum cum Tityo poſtea nomen habent.  
 Tales tu ſemper Schvopi vitare memento  
 Talis ut Belial nullius aſus habe:  
 Sed preme perchari gnavus veſtigiæ Patris,  
 Et fac quæ pietas enthea facta jubet:  
 Sic tibi Semideus clementi mente favebit:  
 Sic DEUS ex altris proſpera mille dabit.

ευοίας εἰρηπ

M. PAULUS GNILIUS Bicina-Sil.  
 Præceptor Claffis Tertiæ.

**T**U Principem, mi Schvopi! Amor unice,  
 Et ſcribis, & per pulpita diſſeris;  
 Illumq; dedis Principi, ſub  
 Stamina, quo tibi Numen olim  
 Vitæ tulit. Næ laudibus inclutis  
 Dignum hocce factum eſt: Terrigenis Diis,  
 Focis & aris quos præeſſe  
 Conſtituit DEUS, obtuliſſe  
 Grates perennes. Dona perennia  
 Decent Duces hos, quorum Animus cluit  
 Rerumq; prudens, & ſecundis  
 Temporibus dubiisq; rectus.

Quam



Quam sepe vidi Brege oculis meis,  
Hanc Principem pulsare prece intimâ  
Cælum, praeire ardentem atq;  
Cantibus haut homini secundum.  
Præfiscine: ( ulli obrudere palpalum  
Nolo, sed adsum promere cognita.)  
Quem Principem delineasti,  
Tali etiam tua dextra dedit.

Hæc Præstantissimo Dn. Respondenti  
Amicitiae ergò apposuit.  
DAVID Puschman/Bolesl. Sil.

JOANNES BAPTISTA SCHWOPIUS.  
Per Anagr.

Oh ista subî; tu cupis sanè bona.

NÆ cura dulcis, dulce periculum,  
Sequi DEARUM castra Novensilùm:  
Sudore multo, laudè multâ  
Stant sua præmiâ militanti.  
Non conterendum tempus inaniter,  
Non ambienda mollis inertia:  
Per dura virtus per labores  
Ad Jovis incluta scândit aulas.  
Insta ergo, & ISTA fortiter OH SUBI  
Tu doctè SANE Jane CUPIS BONA.  
Nam Diva nec soles laborum  
Nec vacuas finit ire Pallas  
Noctes. Adornat splendida præmiâ,  
Jovis nec ipsi credita Filio.  
O ampliori forte gaude!  
Durat honos studiis perennis.

F.  
Honoris & Amoris ergò  
SAMUEL PORLITZ Silefius.  
F I N I S.



JOHANNES BAPTISTA SCHWONKE

Ohnstaubi; in der Schöpfung.

F. H. 1. 8.  
Herausgegeben von  
Johannes Baptist Schwonke





X 2615926

V. 17









B.I.G.

Farbkarte #13



*W 18*



HISTORICO-POLITICA

DE  
*1630/1*  
INCIPE

IE OFFICIO.

UAM,  
OPTIMO MAXIMO

USPICE,  
ÆSIDE

ssimo Viro,  
IA BERNEGGERO,  
PROFESSORE ORDIN.  
ifico, Præceptore suo observan-  
toratensi Universitate.

minandam proponit  
PTISTA SCHWOPIUS  
ga-Silefius,

A. & R. *Decemb*  
Novo, Mense *Octobr. die. 21.*

☉☉☉☉☉☉  
☉☉☉☉☉☉  
☉☉☉☉☉☉

NTORATI.  
S RE P P. ANNO M. DC. XXX.

